



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

2020-yil «19» avgust

08-146-son

### **Тошкент давлат юридик университети ва университет қошидаги академик лицейнинг иқтидорли талаба ҳамда ўқувчиларига стипендия тайинлаш ва грантлар ажратиш тўғрисида низомларни тасдиқлаш ҳақида**

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармони ижросини таъминлаш ҳамда қобилиятли ёшларни рағбатлантириш ва моддий қўллаб-қувватлаш, уларни фаол яратувчилик фаолиятига кенг жалб этиш мақсадида

### **Б У Ю Р А М А Н:**

1. Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонига мувофиқ Тошкент давлат юридик университети (кейинги ўринларда – университет) ректорига бюджетдан ташқари университет ва университет қошидаги академик лицей (кейинги ўринларда – академик лицей)нинг иқтидорли талаба ҳамда ўқувчиларига стипендия ва грантлар ажратиш ҳуқуқи берилганлиги кўрсатиб ўтилсин.

#### **2. Қуйидагилар:**

Тошкент давлат юридик университетининг иқтидорли талабаларига стипендия тайинлаш ва грант ажратиш тўғрисида низом 1-иловага мувофиқ;

Тошкент давлат юридик университети қошидаги академик лицей ўқувчиларига стипендия тайинлаш ва грант ажратиш тўғрисида 2-иловага мувофиқ тасдиқлансин.

3. Молия-иқтисод бўлими (А. Рахимов), академик лицей (Ш. Бобоқулов) мазкур буйруқдан келиб чиқиб, молия йилида университет ҳамда академик лицейнинг бюджетдан ташқари маблағлари ҳаражатлар сметасида университет талабалари ва академик лицей ўқувчиларини стипендия ва грантлар билан таъминлаш бўйича маблағлар ажратишни назарда тутсин.

4. Бухгалтерия (А. Иминов), академик лицей (Ш. Бобоқулов) университет талабалари ва академик лицей ўқувчиларини стипендия ва грантлар билан таъминлаш бўйича тўловларни амалга оширсин.

5. Академик лицей (Ш. Бобоқулов):

академик лицей ўқувчиларини стипендия ва грантлар билан таъминлаш учун зарур бўладиган қўшимча маблағлар юзасидан университетга буюртма киритиб борилишини;

ҳар чорақда академик лицей ўқувчиларини стипендия ва грантлар билан таъминлаш учун ажратилган маблағларнинг мақсадли сарфланиши бўйича университетга ҳисобот тақдим этилишини;

академик лицей ўқувчиларини стипендия ва грантлар билан таъминлаш учун ажратилган маблағларнинг мақсадли сарфланишини таъминласин.

6. Ушбу буйруқ ижросини назорат қилиш проректор Б. Бобожонов зиммасига юклансин.

**Ректор**

**Р. Ҳакимов**



**Лойиҳа киритилди:**

Узлуксиз таълим  
бошқармаси бошлиғи

О. Солиев

**Келишилди:**

Халқаро ҳамкорлик ва  
узлуксиз таълим бўйича  
проректор

Д. Умаров

Молия-иқтисод ишлари  
бўйича проректор

Б. Бобожонов

ТДЮУ қошидаги  
академик лицей директори

Ш. Бобоқулов

Бош бухгалтер

А. Иминов

Молия-иқтисод бўлими  
бошлиғи

А. Рахимов

Юрисконсульт

А. Сафаров

**Тошкент давлат юридик университетининг иқтидорли талабаларига  
стипендия тайинлаш ва грант ажратиш тўғрисида НИЗОМ**

**1-боб. Умумий қоидалар**

1. Мазкур Низом Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармониغا мувофиқ Тошкент давлат юридик университетининг (кейинги ўринларда – университет) иқтидорли талабаларига стипендия тайинлаш ва грант ажратиш ҳамда тўлаш тартибини белгилайди.

Ушбу Низом бакалавриат таълим йўналишларида масофавий шаклда таълим олаётган талабаларга нисбатан татбиқ этилмайди.

2. Мазкур Низомда қуйидаги тушунчалардан фойдаланилади:

**академик ўзлаштириш кўрсаткичи** – университетда бакалавриат таълим йўналишлари ўқув режалари асосида ўтилган фанлар бўйича талабалар билим ва маҳоратининг синови натижалари;

**номзод** – университет стипендия ва грант комиссиясига белгиланган муддат ва тартибда тегишли ҳужжатларни стипендия тайинлаш ёки грант ажратиш учун тақдим этган университет талабаси;

**университет стипендияси** – бакалавриат таълим йўналишларида таълим олаётган 2–4-курс иқтидорли талабаларига қонун ҳужжатларида назарда тутилган бошқа тўловлардан қатъи назар ойма-ой тўланадиган пул таъминоти;

**университет гранти** – тўлов-контракт асосида бакалавриат таълим йўналишларида таълим олаётган 2–4-курс иқтидорли талабаларига бир йиллик ўқиши учун тўланадиган тўлов-контрактининг 50 фоизидан озоқ қилишга қаратилган моддий-қўллаб қувватлаш тури;

**университет стипендия ва грант комиссияси (университет комиссияси)** – иқтидорли талабаларга стипендия тайинлаш ва грантлар ажратиш масаласини кўриб чиқиш учун проректорлар, факультетларнинг деканлари, кафедра мудирлари, Маънавият ва маърифат маркази, Ўзбекистон ёшлар иттифоқи бошланғич ташкилоти, Ёш олимлар жамияти ва бошқа

жамоат ташкилотлари вакилларидан иборат таркибда ташкил этиладиган ва университет ректори томонидан тасдиқланадиган комиссия;

**факультет ишчи гуруҳи** – факультет миқёсида иқтидорли талабаларга стипендия тайинлаш ва грантлар ажратиш бўйича номзодлардан тақдим этилган ҳужжатларини дастлабки тарзда кўриб чиқиш учун факультет декани, кафедра мудирлари, Ўзбекистон ёшлар иттифоқи бошланғич ташкилоти ва бошқа жамоат ташкилотлари вакилларидан иборат таркибда ташкил этиладиган ва университет ректори томонидан тасдиқланадиган гуруҳ.

3. Университетда иқтидорли талабаларга стипендия тайинлаш ва грантлар ажратиш танлов асосида амалга оширилади.

Танлов икки босқичда ўтказилади. Биринчи – факультет босқичи, иккинчи – университет босқичи.

Биринчи босқичда номзодлар томонидан тегишли ҳужжатлар тақдим этилади ва факультет ишчи гуруҳи томонидан дастлабки тарзда кўриб чиқилади ва сараланади. Иккинчи босқичда факультет ишчи гуруҳи тавсия этган номзодларга университет комиссияси томонидан стипендия тайинлаш ва грант ажратиш бўйича масаласи кўриб чиқилади.

4. Иқтидорли талабаларга университет стипендиясини тайинлаш ва грант ажратиш университетнинг бюджетдан ташқари маблағлари (тўлов-контракт маблағлари) ҳисобидан ички имкониятлардан келиб чиқиб амалга оширилади.

5. Университетнинг бюджетдан ташқари маблағлари ҳисобидан талабаларга университет стипендиясини тайинлаш ва грантини ажратиш бюджет маблағлари ҳисобидан уларни рағбатлантиришга монелик қилмайди.

## **2-боб. Университет стипендиясини тайинлаш ва грант ажратиш бўйича танловни ўтказиш**

6. Факультет ишчи гуруҳи ва университет комиссияси ҳар йили, қоида тариқасида, тегишли ўқув йилининг 1 майдан кечикмай тузилади.

Факультет ишчи гуруҳи ва университет комиссияси ўз фаолиятини коллегиялик, ошкоралик, холислик ва бетарафлик принциплари асосида амалга оширади.

Факультет ишчи гуруҳи ва университет комиссиясига ўзаро умумий мувофиқлаштирувчи раис бошчилик қилади. Факультет ишчи гуруҳига факультет декани, университет комиссиясига – университетнинг ёшлар билан ишлаш бўйича проректори раислик қилади. Факультет ишчи гуруҳи ва университет комиссияси фаолиятини ташкилий таъминлаш уларнинг котибига юкланади.

7. Иқтидорли талабалар ҳар йили факультет ишчи гуруҳига, қоида тариқасида, 10–30 июль кунлари стипендия тайинлаш ва грант ажратиш

масаласини кўриб чиқиш учун аризаларни электрон университет платформаси орқали топширилади ва аризага 9-бандида кўрсатилган асосий минимал талабларни тасдиқловчи ҳужжатлар электрон шаклда илова қилинади.

8. Факультет ишчи гуруҳи ариза ва унга илова қилинган ҳужжатларни топшириш муддати тугаган кундан бошлаб, беш иш куни мобайнида кўриб чиқади.

9. Университет стипендиясини тайинлаш ва грант ажратиш масаласи кўриб чиқиладиганда, факультет ишчи гуруҳи ва университет комиссияси қуйидаги асосий минимал талабларни ҳисобга олади:

номзоднинг академик ўзлаштириш кўрсаткичи 86 ва ундан ортиқ фоизни ташкил қилиши;

чет тилини билиш даражасини тасдиқловчи B2 ва ундан юқори даражадаги давлат малака сертификатига ёки чет тилини билиш даражасини тасдиқловчи халқаро сертификатлардан камида B2 даражасига мос келувчи CEFR (Common European Framework of Reference), IELTS (International English Language Testing System) бўйича 6,0 балл, TOEFL IBT (Test of English as a Foreign Language) бўйича 90 балл ва ундан юқори ёки TestDaF (Test Deutsch als Fremdsprache für ausländische Studienbewerber) бўйича TDN4 ва ундан юқори, Test de Connaissance du Français (TCF) бўйича 450 балл ва ундан юқори, Diplôme d'Etudes en Langue Française (DELFF) B2 ва ундан юқори даражасига эга эга эканлигини тасдиқловчи сертификатнинг мавжуд бўлиши;

номзоднинг университет ижтимоий ҳаётидаги фаол иштироки (маънавий-маърифий ва жамоат ишлари, лойиҳалар ва танловларда иштирок этиши ва бошқалар);

номзоднинг университетда ўрнатилган ички тартиб қоидалари, одоб-ахлоқ қоидаларига риоя этиши ва намунали хулқ-атворга эгалиги.

Мазкур бандда кўрсатилган асосий минимал талабларга тегишли масалаларни кўриб чиқишда, номзоднинг университетдаги бутун ўқиш даври ҳисобга олинади.

10. Иқтидорли талабалар факультет ишчи гуруҳига мазкур Низомнинг 9-бандида кўрсатилган асосий минимал талабларни тасдиқловчи ҳужжатлардан ташқари қуйидаги ҳужжатларни электрон шаклда тақдим этади:

тегишли намунадаги маълумотнома-объективка (анкета);

Ёшлар иттифоқи бошланғич ташкилоти тавсияномаси;

университетнинг ўқув, маънавий-маърифий ва илмий фаолиятида ўз ҳиссасини қўшиш бўйича шахсий режаси.

11. Номзодни иккинчи босқичга тавсия қилиш ёки рад этиш ҳақидаги факультет ишчи гуруҳи фаолияти устидан университет комиссиясига шикоят қилиниши мумкин.

12. Университет комиссияси йиғилиши факультет ишчи гуруҳи баённомаси ва номзодларнинг ҳужжатлари келиб тушган кундан бошлаб ўн кун ичида бўлиб ўтади.

13. Зарурат юзага келганда номзод суҳбат учун факультет ишчи гуруҳи ва университет комиссиясига йиғилишига таклиф этилиши мумкин.

14. Университет комиссияси томонидан университет стипендиясини тайинлаш ва грантини ажратиш масаласини кўриб чиқишда тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи ҳамда 1 ва 2-гуруҳ ногиронлиги бўлган номзодлар, шунингдек кам таъминланган номзодларга устунлик берилиши мумкин.

15. Университет комиссияси тавсияси устидан шикоятлар қабул қилинмайди.

16. Халқаро ва республика олимпиадалари, танловлари, спорт мусобақалари ғолиблари, Давлат мукофоти соҳиблари, Ўзбекистон Республикаси Президентининг давлат стипендияси ва бошқа номли давлат стипендиялар соҳиблари бўлган талабаларга университет ректори томонидан бир ўқув йилигача бўлган муддатга университет стипендиясини тайинлаш ва (ёки) грантини ажратиш масаласи бўйича факультет ишчи гуруҳи ва университет комиссиясида кўрмасдан буйруқ қабул қилиниши мумкин.

17. Университет ректорининг буйруғига мувофиқ талабалар учун алоҳида номли стипендиялар (тарихий шахслар, адиблар, машҳур ҳуқуқшунослар номида) ҳам жорий этилиши мумкин. Бундай стипендиялар миқдори, уларни тайинлаш ва тўлаш тартиби алоҳида ректор буйруғи билан белгиланади.

#### **4-боб. Стипендия тайинлаш ва грант ажратиш**

18. Университет комиссиясининг стипендия тайинлаш ва грант ажратиш тўғрисидаги тавсияси университет ректорига буйруқ қабул қилиш учун киритилади. Унга кўра, университет ректори томонидан стипендия тайинлаш ва грант ажратиш ёки рад этиш ҳақидаги якуний қарор қабул қилинади.

Университет ректорининг қарори университет ректори буйруғи шаклида расмийлаштирилади.

19. Университет стипендиясини ажратиш ва грантини тайинлаш бўйича университет ректорининг буйруғи қабул қилинган кундан сўнг эртанги иш кунда университет веб-сайтида эълон қилинади.

20. Университет стипендияси ҳар ўқув йили (сентябрь-июнь ойлари) учун бир марта белгиланган миқдорга қатъий риоя қилган ҳолда тайинланади. Университет стипендияси ўқув йили мобайнида ойма-ой тўлаб борилади.

Университет стипендиясининг миқдори қонун ҳужжатларида белгиланган тартибда ўрнатилган бир ойлик стипендия базавий миқдорининг 50 фоизга оширилган ҳолда белгиланади.

21. Университет гранти совриндори тегишли ўқув йили тўлов-контракт суммасининг 50 фоизидан озод қилинади.

22. Университет стипендияси тайинладиган ва гранти ажратиладиган талабалар сони университетнинг стипендия тайинлаш ва грант ажратишга йўналтириладиган умумий маблағлар миқдори доирасида университет ректори томонидан белгиланади.

23. Айни бир талабага икки мартадан ортиқ университет стипендиясини тайинланиш ва грантини ажратиш ҳамда бир ўқув йилининг ўзида университет стипендияси ва грантига номзод бўлиши мумкин эмас.

### **5-боб. Якунловчи қоидалар**

24. Университет стипендияси ёки гранти совриндори, стипендия тайинланган семестр натижасига кўра фанлардан академик ўзлаштириш кўрсаткичларининг 30 фоизи ва ундан ортиқ қисми “қониқарли” баҳо (рейтинг кўрсаткичи – 71 баллдан кам) бўлган талабаларга (тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи ҳамда 1 ва 2-гуруҳ ногиронлиги бўлган талабалар, шунингдек кам таъминланган талабалар бундан мустасно) ёки бирон-бир фандан академик қарздорлиги мавжуд бўлса, шунингдек ўқув интизомини, одоб-ахлоқ қоидаларини қўпол равишда бузса ёхуд университетнинг ўқув, маънавий-маърифий ва илмий фаолиятида ўз ҳиссасини қўшиш бўйича тақдим этилган шахсий режасини тўлақонли амалга оширмаса ўқув йили мобайнида тегишли факультет декани ёки Ёшлар иттифоқи бошланғич ташкилоти тақдимномаси асосида ректор буйруғи билан ушбу стипендия ва грантдан маҳрум этилиши мумкин.

25. Стипендия ва грант совриндорлари томонидан тақдим этилган университетнинг ўқув, маънавий-маърифий ва илмий фаолиятида ўз ҳиссасини қўшиш бўйича режасини самарали амалга оширишда деканатлар ҳамда Ёшлар иттифоқи бошланғич ташкилоти уларни ҳар томонлама қўллаб-қувватлаш мажбуриятини олади.

26. Стипендия ва грант совриндорлари томонидан танловнинг биринчи босқичида тақдим этилган университет ўқув, маънавий-маърифий ва илмий фаолиятида ўз ҳиссасини қўшиш бўйича режанинг ижроси факультет ишчи гуруҳи томонидан доимий мониторинг қилиб борилади.



**Тошкент давлат юридик университети қошидаги академик  
лицейнинг иқтидорли ўқувчиларига стипендия тайинлаш ва грант  
ажратиш тўғрисида НИЗОМ**

**1-боб. Умумий қоидалар**

1. Мазкур Низом Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонига мувофиқ Тошкент давлат юридик университети қошидаги академик лицейнинг (кейинги ўринларда – академик лицей) иқтидорли ўқувчиларига стипендия тайинлаш ва грант ажратиш ҳамда тўлаш тартибини белгилайди.

2. Мазкур Низомда қуйидаги тушунчалардан фойдаланилади:

**академик ўзлаштириш кўрсаткичи** – академик лицейда ўқув режалари асосида ўтилган фанлар бўйича ўқувчилар билим ва маҳоратининг синови натижалари;

**номзод** – академик лицей ишчи гуруҳига белгиланган муддат ва тартибда тегишли ҳужжатларни стипендия тайинлаш ёки грант ажратиш учун тақдим этган академик лицей ўқувчиси;

**университет стипендияси** – академик лицейда таълим олаётган 2-курс иқтидорли ўқувчиларига қонун ҳужжатларида назарда тутилган бошқа тўловлардан қатъи назар ойма-ой тўланадиган пул таъминоти;

**университет гранти** – тўлов-контракт асосида академик лицейда таълим олаётган 2-курс иқтидорли ўқувчиларига бир йиллик ўқиши учун тўланадиган маблағнинг 50 фоизидан озод қилишга қаратилган моддий-қўллаб қувватлаш тури;

**университет стипендия ва грант комиссияси (университет комиссияси)** – иқтидорли ўқувчиларга стипендия тайинлаш ва грантлар ажратиш масаласини кўриб чиқиш учун проректорлар, факультетларнинг деканлари, кафедра мудирлари, Маънавият ва маърифат маркази, Ўзбекистон ёшлар иттифоқи бошланғич ташкилоти, Ёш олимлар жамияти ва бошқа жамоат ташкилотлари вакилларида иборат таркибда ташкил этиладиган ва Тошкент давлат юридик университети (кейинги ўринларда – университет) ректори томонидан тасдиқланадиган комиссия;

**академик лицей ишчи гуруҳи** – академик лицей миқёсида иқтидорли ўқувчиларга стипендия тайинлаш ва грантлар ажратиш бўйича номзодлардан тақдим этилган ҳужжатларини дастлабки тарзда кўриб чиқиш учун академик лицей директори, кафедра мудирлари, Ўзбекистон ёшлар иттифоқи бошланғич ташкилоти ва бошқа жамоат ташкилотлари вакилларида иборат таркибда ташкил этиладиган ва академик лицей директори томонидан тасдиқланадиган гуруҳ.

3. Академик лицейда иқтидорли ўқувчиларга стипендия тайинлаш ва грантлар ажратиш танлов асосида амалга оширилади.

Танлов икки босқичда ўтказилади. Биринчи – академик лицей босқичи, иккинчи – университет босқичи.

Биринчи босқичда номзодлар томонидан тегишли ҳужжатлар тақдим этилади ва академик лицей ишчи гуруҳи томонидан дастлабки тарзда кўриб чиқилади ва сараланади. Иккинчи босқичда академик лицей ишчи гуруҳи тавсия этган номзодларга университет комиссияси томонидан стипендия тайинлаш ва грант ажратиш бўйича масаласи кўриб чиқилади.

4. Иқтидорли ўқувчиларга университет стипендиясини тайинлаш ва грант ажратиш академик лицей ҳамда университетнинг бюджетдан ташқари маблағлари (тўлов-контракт маблағлари) ҳисобидан ички имкониятлардан келиб чиқиб амалга оширилади.

5. Университетнинг бюджетдан ташқари маблағлари ҳисобидан академик лицей ўқувчиларига университет стипендиясини тайинлаш ва грантини ажратиш бюджет маблағлари ҳисобидан уларни рағбатлантиришга монелик қилмайди.

## **2-боб. Университет стипендиясини тайинлаш ва грант ажратиш бўйича танловни ўтказиш**

6. Академик лицей ишчи гуруҳи ва университет комиссияси ҳар йили, қоида тариқасида, тегишли ўқув йилининг 1 майдан кечикмай тузилади.

Академик лицей ишчи гуруҳи ва университет комиссияси ўз фаолиятини коллегиялик, ошкоралик, холислик ва бетарафлик принциплари асосида амалга оширади.

Академик лицей ишчи гуруҳи ва университет комиссиясига ўзаро умумий мувофиқлаштирувчи раис бошчилик қилади. Академик лицей ишчи гуруҳига академик лицей директори, университет комиссиясига – университетнинг ёшлар билан ишлаш бўйича проректори раислик қилади. Академик лицей ишчи гуруҳи ва университет комиссияси фаолиятини ташкилий таъминлаш уларнинг котибига юкланади.

7. Иқтидорли ўқувчилар ҳар йили академик лицей ишчи гуруҳига, қоида тариқасида, 10–20 июль кунлари стипендия тайинлаш ва грант ажратиш масаласини кўриб чиқиш учун аризаларни электрон электрон тарзда

Интернет жаҳон ахборот тармоғи орқали топширилади ва аризага 9-бандида кўрсатилган асосий минимал талабларни тасдиқловчи ҳужжатлар электрон шаклда илова қилинади.

8. Академик лицей ишчи гуруҳи ариза ва унга илова қилинган ҳужжатларни топшириш муддати тугаган кундан бошлаб, беш иш куни мобайнида кўриб чиқади.

9. Университет стипендиясини тайинлаш ва грант ажратиш масаласи кўриб чиқиладиганда, академик лицей ишчи гуруҳи ва университет комиссияси қуйидаги асосий минимал талабларни ҳисобга олади:

номзоднинг академик ўзлаштириш кўрсаткичи 86 ва ундан ортиқ фоизни ташкил қилиши;

чет тилини билиш даражасини тасдиқловчи B1 ва ундан юқори даражадаги давлат малака сертификатига ёки чет тилини билиш даражасини тасдиқловчи халқаро сертификатлардан камида B1 даражасига мос келувчи CEFR (Common European Framework of Reference), IELTS (International English Language Testing System) бўйича 5,0 балл, TOEFL (Test of English as a Foreign Language) бўйича 70 балл ёки TestDaF бўйича TDN3 (Test Deutsch als Fremdsprache für ausländische Studienbewerber) мавжуд бўлиши;

номзоднинг академик лицей ижтимоий ҳаётидаги фаол иштироки (маънавий-маърифий ва жамоат ишлари, лойиҳалар ва танловларда иштирок этиши ва бошқалар);

номзоднинг академик лицейда ўрнатилган ички тартиб қоидалари, одоб-ахлоқ қоидаларига риоя этиши ва намунали хулқ-атворга эгаллиги.

Мазкур бандда кўрсатилган асосий минимал талабларга тегишли масалаларни кўриб чиқишда, номзоднинг лицейдаги бутун ўқиш даври ҳисобга олинади.

10. Иқтидорли ўқувчилар академик лицей ишчи гуруҳига мазкур Низомнинг 9-бандида кўрсатилган асосий минимал талабларни тасдиқловчи ҳужжатлардан ташқари қуйидаги ҳужжатларни электрон шаклда тақдим этади:

тегишли намунадаги маълумотнома-объективка (анкета);

Ёшлар иттифоқи бошланғич ташкилоти тавсияномаси;

академик лицейнинг ўқув ва маънавий-маърифий фаолиятида ўз ҳиссасини қўшиш бўйича шахсий режаси.

11. Номзодни иккинчи босқичга тавсия қилиш ёки рад этиш ҳақидаги академик лицей ишчи гуруҳи фаолияти устидан университет комиссиясига шикоят қилиниши мумкин.

12. Университет комиссияси йиғилиши академик лицей ишчи гуруҳи баённомаси ва номзодларнинг ҳужжатлари келиб тушган кундан бошлаб ўн кун ичида бўлиб ўтади.

13. Зарурат юзага келганда номзод суҳбат учун академик лицей ишчи гуруҳи ва университет комиссиясига йиғилишига таклиф этилиши мумкин.

14. Университет комиссияси томонидан университет стипендиясини тайинлаш ва грантини ажратиш масаласини кўриб чиқишда тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи ҳамда 1 ва 2-гуруҳ ногиронлиги бўлган номзодлар, шунингдек кам таъминланган номзодларга устунлик берилиши мумкин.

15. Университет комиссияси тавсияси устидан шикоятлар қабул қилинмайди.

16. Халқаро ва республика олимпиадалари, танловлари, спорт мусобақалари ғолиблари, Давлат мукофоти соҳиблари бўлган ўқувчиларга университет ректори томонидан бир ўқув йилигача бўлган муддатга университет стипендиясини тайинлаш ва (ёки) грантини ажратиш масаласи бўйича академик лицей ишчи гуруҳи ва университет комиссиясида кўрмасдан буйруқ қабул қилиниши мумкин.

17. Университет ректорининг буйруғига мувофиқ ўқувчилар учун алоҳида номли стипендиялар (тарихий шахслар, адиблар, машҳур ҳуқуқшунослар номида) ҳам жорий этилиши мумкин. Бундай стипендиялар миқдори, уларни тайинлаш ва тўлаш тартиби алоҳида ректор буйруғи билан белгиланади.

#### **4-боб. Стипендия тайинлаш ва грант ажратиш**

18. Университет комиссиясининг стипендия тайинлаш ва грант ажратиш тўғрисидаги тавсияси университет ректорига буйруқ қабул қилиш учун киритилади. Унга кўра, университет ректори томонидан стипендия тайинлаш ва грант ажратиш ёки рад этиш ҳақидаги якуний қарор қабул қилинади.

Университет ректорининг қарори университет ректори буйруғи шаклида расмийлаштирилади.

19. Университет стипендиясини ажратиш ва грантини тайинлаш бўйича университет ректорининг буйруғи қабул қилинган кундан сўнг эртанги иш кунда академик лицей ва университет веб-сайтида эълон қилинади.

20. Университет стипендияси ҳар ўқув йили (сентябрь–июнь ойлари) учун бир марта белгиланган миқдорга қатъий риоя қилган ҳолда тайинланади. Университет стипендияси ўқув йили мобайнида ойма-ой тўлаб борилади.

Университет стипендиясининг миқдори олий таълим муассасалари талабаларининг қонун ҳужжатларида белгиланган тартибда ўрнатилган стипендияси базавий миқдорида белгиланади.

21. Университет гранти совриндори академик лицейда тегишли ўқув йили тўлов-контракт суммасининг 50 фоизидан озод қилинади.

22. Университет стипендияси тайинладиган ва гранти ажратилладиган ўқувчилар сони университетнинг стипендия тайинлаш ва грант ажратишга йўналтирилладиган умумий маблағлар миқдори доирасида университет ректори томонидан белгиланади.

23. Айни бир ўқувчи университет стипендияси ва грантига номзод бўлиши мумкин эмас.

## **5-боб. Якунловчи қоидалар**

24. Университет стипендияси ёки гранти совриндори, стипендия тайинланган семестр натижасига кўра фанлардан академик ўзлаштириш кўрсаткичларининг 30 фоизи ва ундан ортиқ қисми “қоникарли” баҳо (рейтинг кўрсаткичи – 71 баллдан кам) бўлган ўқувчиларга (тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи ҳамда 1 ва 2-гуруҳ ногиронлиги бўлган ўқувчилар, шунингдек кам таъминланган ўқувчилар бундан мустасно) ёки бирон-бир фандан академик қарздорлиги мавжуд бўлса, шунингдек ўқув интизомини, одоб-ахлоқ қоидаларини қўпол равишда бузса ёхуд академик лицейнинг ўқув ва маънавий-маърифий фаолиятида ўз ҳиссасини қўшиш бўйича тақдим этилган шахсий режасини тўлақонли амалга оширмаса ўқув йили мобайнида тегишли академик лицей директори ёки Ёшлар иттифоқи бошланғич ташкилоти тақдимномаси асосида ректор буйруғи билан ушбу стипендия ва грантдан маҳрум этилиши мумкин.

25. Стипендия ва грант совриндорлари томонидан тақдим этилган академик лицейнинг ўқув ва маънавий-маърифий фаолиятида ўз ҳиссасини қўшиш бўйича режасини самарали амалга оширишда академик лицей директори ҳамда Ёшлар иттифоқи бошланғич ташкилоти уларни ҳар томонлама қўллаб-қувватлаш мажбуриятини олади.

26. Стипендия ва грант совриндорлари томонидан танловнинг биринчи босқичида тақдим этилган лицейнинг ўқув ва маънавий-маърифий фаолиятида ўз ҳиссасини қўшиш бўйича режанинг ижроси академик лицей ишчи гуруҳи томонидан доимий мониторинг қилиб борилади.